

Jüi Kinnerlein kummet

Jüi Kinnerlein kummet, oh kümmet doch oll,
teo´r Kriwwe her kümmet, n Bethlehem Stall,
un seucht, wat in düsse hauch heuligen Nacht
de Vadder in´n Heben för Froide us macht.

Oh seucht in de Kriwwe in´n nächtlichen Stall,
seucht hür büi den Lechte hellüchtenden Strohl,
in rennlicken Doikern dat himmelske Kind,
vel scheuner un füiner, os Engel et sind.

Do lijjet et dat Kindlein up Hoch un up Strauh.
Maria un Joseph bekuikten es frauh.
De redlicken Schaiper kneut beend dofür,
Hauch boben flücht froidig de Engelkens Chor.

Et es för üs eune Tüit ankommen

Et es för üs eune Tüit ankommen,
et es för üs eune graute Gnod`:
Iuse Heiland Jeuse Christ,
de för üs, de för üs,
de för üs Minsk´ worn es.

In de Kriewen do mott heu lüjjen,
un wenn´t de hachsten Steune wörn:
Twisken Oss`un Iselken
lijjest diu, lijjest diu,
lijjest diu karg Jeuseken.

Dreu Könning` kömmen, änn´ teo besioken,
de Stern wüist seu no Bethlehem.:
Kreon`un Zepter leen seu aff,
brochten änn`, brochten änn`,
brochten änn`ühre ruike Gow`.

Van´n Heben hauch

Van´n Heben hauch, do kümme eck her,
eck bring juff geote nütje Mär,
van geoten Mär bring`eck seovell,
dovan eck singen un söjjen will.

Juff es eun Kindken niu geborn
van eune Jumfer iuterkorn.
eun Kindken seo minne un füin,
dat sall jiwwe Froid un Wonne süin.

Et es de Herr Christ, iuse Godd,
de will juff löhn iut oller Naud,
heu will jiwwe Heuland sümst süin,
van ollen Sünnen maken rüin.

Stickum falle de Schneu

Stickum falle de Schneu,
Still un steuw´ ruht de Sei,
wüihnachtlik glänzet de Wauld:
Froijjet juff, Christkind kümmt bauld!

In´n Herten es´t warm,
still schweiget Kummer un Harm,
Sorge van´n Lieben verklinget:
Froijjet juff, Christkind kümmt bauld!

Bauld es heulige Nacht,
Chor van`n Engeln wärt wach,
hort niu, wo leuwlik et klingt:
Froijjet juff, Christkind kümmt bauld!

